

大般若波羅蜜多經卷第十六 地六

唐三藏法師玄奘奉 詔譯

初分教誡教授品第七之六

復次善現所言菩薩摩訶薩者於意云何即佛十力真如是菩薩摩訶薩不也世尊即

地六

四無所畏四無礙解十八佛不共法真如是菩薩摩訶薩不也世尊異佛十力真如是菩薩摩訶薩不也世尊異四無所畏四無礙解十八佛不共法真如是菩薩摩訶薩不也世尊佛十力真如中有菩薩摩訶薩不也世尊四無所畏四無礙解十八佛不共法真如中有菩薩摩訶薩不也世尊菩薩摩訶薩中有佛十力真如不也世尊菩薩摩訶薩中有四無所畏四無礙解十八佛不共法真如不也世尊離佛十力真如有菩

薩摩訶薩不也世尊離四無所畏四無礙解十八佛不共法真如有菩薩摩訶薩不也世尊復次善現所言菩薩摩訶薩者於意云何即大慈真如是菩薩摩訶薩不也世尊即大悲大喜大捨真如是菩薩摩訶薩不也世尊異大慈真如是菩薩摩訶薩不也世尊異大悲大喜大捨真如是菩薩摩訶薩不也世尊大慈真如中有菩薩摩訶薩不也世尊大悲大喜大捨真如中有菩薩摩訶薩不也世尊菩薩摩訶薩中有大慈真如不也世尊菩薩摩訶薩中有大悲大喜大捨真如不也世尊離大慈真如有菩薩摩訶薩不也世尊離大悲大喜大捨真如有菩薩摩訶薩不也世尊復次善現所言菩薩摩訶薩者於意云何即三十二大士

相真如是菩薩摩訶薩不不也世尊即八十  
 隨好真如是菩薩摩訶薩不不也世尊異三  
 十二大士相真如是菩薩摩訶薩不不也世  
 尊異八十隨好真如是菩薩摩訶薩不不也  
 世尊三十二大士相真如中有菩薩摩訶薩  
 不不也世尊八十隨好真如中有菩薩摩訶  
 薩不不也世尊菩薩摩訶薩中有三十二大  
 士相真如不不也世尊菩薩摩訶薩中有八  
 十隨好真如不不也世尊離三十二大士相  
 真如有菩薩摩訶薩不不也世尊離八十隨  
 好真如有菩薩摩訶薩不不也世尊復次善  
 現所言菩薩摩訶薩者於意云何即無忘失  
 法真如是菩薩摩訶薩不不也世尊即恒住  
 捨性真如是菩薩摩訶薩不不也世尊異無  
 忘失法真如是菩薩摩訶薩不不也世尊異

恒住捨性真如是菩薩摩訶薩不不也世尊  
 無忘失法真如中有菩薩摩訶薩不不也世  
 尊恒住捨性真如中有菩薩摩訶薩不不也  
 世尊菩薩摩訶薩中有無忘失法真如不不  
 也世尊菩薩摩訶薩中有恒住捨性真如不  
 不也世尊離無忘失法真如有菩薩摩訶薩  
 不不也世尊離恒住捨性真如有菩薩摩訶  
 薩不不也世尊復次善現所言菩薩摩訶薩  
 者於意云何即一切智真如是菩薩摩訶薩  
 不不也世尊即道相智一切相智真如是菩  
 薩摩訶薩不不也世尊異一切智真如是菩  
 薩摩訶薩不不也世尊異道相智一切相智  
 真如是菩薩摩訶薩不不也世尊一切智真  
 如中有菩薩摩訶薩不不也世尊道相智一  
 切相智真如中有菩薩摩訶薩不不也世尊

地六

二

地六

三

菩薩摩訶薩中有一切智真如不不也世尊  
菩薩摩訶薩中有道相智一切相智真如不  
不也世尊離一切智真如有菩薩摩訶薩不  
不也世尊離道相智一切相智真如有菩薩  
摩訶薩不不也世尊爾時佛告具壽善現汝  
觀何義言即色真如非菩薩摩訶薩即受想  
行識真如非菩薩摩訶薩異色真如非菩薩  
摩訶薩異受想行識真如非菩薩摩訶薩非  
色真如中有菩薩摩訶薩非受想行識真如  
中有菩薩摩訶薩非菩薩摩訶薩中有色真  
如非菩薩摩訶薩中有受想行識真如非離  
色真如有菩薩摩訶薩非離受想行識真如  
有菩薩摩訶薩耶具壽善現白言世尊若色  
若受想行識尚畢竟不可得性非有故況有  
色真如及受想行識真如此真如既非有如

何可言即色真如是菩薩摩訶薩即受想行  
識真如是菩薩摩訶薩異色真如是菩薩摩  
訶薩異受想行識真如是菩薩摩訶薩色真  
如中有菩薩摩訶薩受想行識真如中有菩  
薩摩訶薩菩薩摩訶薩中有色真如菩薩摩  
訶薩中有受想行識真如離色真如有菩薩  
摩訶薩離受想行識真如有菩薩摩訶薩復  
次善現汝觀何義言即眼處真如非菩薩摩  
訶薩即耳鼻舌身意處真如非菩薩摩訶薩  
異眼處真如非菩薩摩訶薩異耳鼻舌身意  
處真如非菩薩摩訶薩非眼處真如中有菩  
薩摩訶薩非耳鼻舌身意處真如中有菩薩  
摩訶薩非菩薩摩訶薩中有眼處真如非菩  
薩摩訶薩中有耳鼻舌身意處真如非離眼  
處真如有菩薩摩訶薩非離耳鼻舌身意處

真如有菩薩摩訶薩耶具壽善現白言世尊  
若眼處若耳鼻舌身意處尚畢竟不可得性  
非有故況有眼處真如及耳鼻舌身意處真  
如此真如既非有如何可言即眼處真如是  
菩薩摩訶薩即耳鼻舌身意處真如是菩薩  
摩訶薩異眼處真如是菩薩摩訶薩異耳鼻  
舌身意處真如是菩薩摩訶薩眼處真如中  
有菩薩摩訶薩耳鼻舌身意處真如中有菩  
薩摩訶薩菩薩摩訶薩中有眼處真如菩薩  
摩訶薩中有耳鼻舌身意處真如離眼處真  
如有菩薩摩訶薩離耳鼻舌身意處真如有  
菩薩摩訶薩復次善現汝觀何義言即色處  
真如非菩薩摩訶薩即聲香味觸法處真如  
非菩薩摩訶薩異色處真如非菩薩摩訶薩  
異聲香味觸法處真如非菩薩摩訶薩非色

處真如中有菩薩摩訶薩非聲香味觸法處  
真如中有菩薩摩訶薩非菩薩摩訶薩中有  
色處真如非菩薩摩訶薩中有聲香味觸法  
處真如非離色處真如有菩薩摩訶薩非離  
聲香味觸法處真如有菩薩摩訶薩耶具壽  
善現白言世尊若色處若聲香味觸法處尚  
畢竟不可得性非有故況有色處真如及聲  
香味觸法處真如此真如既非有如何可言  
即色處真如是菩薩摩訶薩即聲香味觸法  
處真如是菩薩摩訶薩異色處真如是菩薩  
摩訶薩異聲香味觸法處真如是菩薩摩訶  
薩色處真如中有菩薩摩訶薩聲香味觸法  
處真如中有菩薩摩訶薩菩薩摩訶薩中有  
色處真如菩薩摩訶薩中有聲香味觸法處  
真如離色處真如有菩薩摩訶薩離聲香味

觸法處真如有菩薩摩訶薩復次善現汝觀  
何義言即眼界真如非菩薩摩訶薩即耳鼻  
舌身意界真如非菩薩摩訶薩異眼界真如  
非菩薩摩訶薩異耳鼻舌身意界真如非菩  
薩摩訶薩非眼界真如中有菩薩摩訶薩非  
耳鼻舌身意界真如中有菩薩摩訶薩非菩  
薩摩訶薩中有眼界真如非菩薩摩訶薩中  
有耳鼻舌身意界真如非離眼界真如有菩  
薩摩訶薩非離耳鼻舌身意界真如有菩薩  
摩訶薩耶具壽善現白言世尊若眼界若耳  
鼻舌身意界尚畢竟不可得性非有故況有  
眼界真如及耳鼻舌身意界真如此真如既  
非有如何可言即眼界真如是菩薩摩訶薩  
即耳鼻舌身意界真如是菩薩摩訶薩異眼  
界真如是菩薩摩訶薩異耳鼻舌身意界真

如是菩薩摩訶薩眼界真如中有菩薩摩訶  
薩耳鼻舌身意界真如中有菩薩摩訶薩菩  
薩摩訶薩中有眼界真如菩薩摩訶薩中有  
耳鼻舌身意界真如離眼界真如有菩薩摩  
訶薩離耳鼻舌身意界真如有菩薩摩訶薩  
復次善現汝觀何義言即色界真如非菩薩  
摩訶薩即聲香味觸法界真如非菩薩摩訶  
薩異色界真如非菩薩摩訶薩異聲香味觸  
法界真如非菩薩摩訶薩非色界真如中有  
菩薩摩訶薩非聲香味觸法界真如中有菩  
薩摩訶薩非菩薩摩訶薩中有色界真如非  
菩薩摩訶薩中有聲香味觸法界真如非離  
色界真如有菩薩摩訶薩非離聲香味觸法  
界真如有菩薩摩訶薩耶具壽善現白言世  
尊若色界若聲香味觸法界尚畢竟不可得

性非有故況有色界真如及聲香味觸法界  
真如此真如既非有如何可言即色界真如  
是菩薩摩訶薩即聲香味觸法界真如是菩  
薩摩訶薩異色界真如是菩薩摩訶薩異聲  
香味觸法界真如是菩薩摩訶薩色界真如  
中有菩薩摩訶薩聲香味觸法界真如中有  
菩薩摩訶薩菩薩摩訶薩中有色界真如菩  
薩摩訶薩中有聲香味觸法界真如離色界  
真如有菩薩摩訶薩離聲香味觸法界真如  
有菩薩摩訶薩復次善現汝觀何義言即眼  
識界真如非菩薩摩訶薩即耳鼻舌身意識  
界真如非菩薩摩訶薩異眼識界真如非菩  
薩摩訶薩異耳鼻舌身意識界真如非菩薩  
摩訶薩非眼識界真如中有菩薩摩訶薩非  
耳鼻舌身意識界真如中有菩薩摩訶薩非

地六

七

菩薩摩訶薩中有眼識界真如非菩薩摩訶  
薩中有耳鼻舌身意識界真如非離眼識界  
真如有菩薩摩訶薩非離耳鼻舌身意識界  
真如有菩薩摩訶薩耶具壽善現白言世尊  
若眼識界若耳鼻舌身意識界尚畢竟不可  
得性非有故況有眼識界真如及耳鼻舌身  
意識界真如此真如既非有如何可言即眼  
識界真如是菩薩摩訶薩即耳鼻舌身意識  
界真如是菩薩摩訶薩異眼識界真如是菩  
薩摩訶薩異耳鼻舌身意識界真如是菩薩  
摩訶薩眼識界真如中有菩薩摩訶薩耳鼻  
舌身意識界真如中有菩薩摩訶薩菩薩摩  
訶薩中有眼識界真如菩薩摩訶薩中有耳  
鼻舌身意識界真如離眼識界真如有菩薩  
摩訶薩離耳鼻舌身意識界真如有菩薩摩

訶薩復次善現汝觀何義言即眼觸真如非  
菩薩摩訶薩即耳鼻舌身意觸真如非菩薩  
摩訶薩異眼觸真如非菩薩摩訶薩異耳鼻  
舌身意觸真如非菩薩摩訶薩非眼觸真如  
中有菩薩摩訶薩非耳鼻舌身意觸真如中  
有菩薩摩訶薩非菩薩摩訶薩中有眼觸真  
如非菩薩摩訶薩中有耳鼻舌身意觸真如  
非離眼觸真如有菩薩摩訶薩非離耳鼻舌  
身意觸真如有菩薩摩訶薩耶具壽善現白  
言世尊若眼觸若耳鼻舌身意觸尚畢竟不  
可得性非有故況有眼觸真如及耳鼻舌身  
意觸真如此真如既非有如何可言即眼觸  
真如是菩薩摩訶薩即耳鼻舌身意觸真如  
是菩薩摩訶薩異眼觸真如是菩薩摩訶薩  
異耳鼻舌身意觸真如是菩薩摩訶薩眼觸

真如中有菩薩摩訶薩耳鼻舌身意觸真如  
中有菩薩摩訶薩菩薩摩訶薩中有眼觸真  
如菩薩摩訶薩中有耳鼻舌身意觸真如離  
眼觸真如有菩薩摩訶薩離耳鼻舌身意觸  
真如有菩薩摩訶薩復次善現汝觀何義言  
即眼觸為緣所生諸受真如非菩薩摩訶薩  
即耳鼻舌身意觸為緣所生諸受真如非菩  
薩摩訶薩異眼觸為緣所生諸受真如非菩  
薩摩訶薩異耳鼻舌身意觸為緣所生諸受  
真如非菩薩摩訶薩非眼觸為緣所生諸受  
真如中有菩薩摩訶薩非耳鼻舌身意觸為  
緣所生諸受真如中有菩薩摩訶薩非菩薩  
摩訶薩中有眼觸為緣所生諸受真如非菩  
薩摩訶薩中有耳鼻舌身意觸為緣所生諸  
受真如非離眼觸為緣所生諸受真如有菩

薩摩訶薩非離耳鼻舌身意觸為緣所生諸  
受真如有菩薩摩訶薩耶具壽善現白言世  
尊若眼觸為緣所生諸受若耳鼻舌身意觸  
為緣所生諸受尚畢竟不可得性非有故況  
有眼觸為緣所生諸受真如及耳鼻舌身意  
觸為緣所生諸受真如此真如既非有如何  
可言即眼觸為緣所生諸受真如是菩薩摩  
訶薩即耳鼻舌身意觸為緣所生諸受真如  
是菩薩摩訶薩異眼觸為緣所生諸受真如  
是菩薩摩訶薩異耳鼻舌身意觸為緣所生  
諸受真如是菩薩摩訶薩眼觸為緣所生諸  
受真如中有菩薩摩訶薩耳鼻舌身意觸為  
緣所生諸受真如中有菩薩摩訶薩菩薩摩  
訶薩中有眼觸為緣所生諸受真如菩薩摩  
訶薩中有耳鼻舌身意觸為緣所生諸受真

如離眼觸為緣所生諸受真如有菩薩摩訶  
薩離耳鼻舌身意觸為緣所生諸受真如有  
菩薩摩訶薩復次善現汝觀何義言即地界  
真如非菩薩摩訶薩即水火風空識界真如  
非菩薩摩訶薩異地界真如非菩薩摩訶薩  
異水火風空識界真如非菩薩摩訶薩非地  
界真如中有菩薩摩訶薩非水火風空識界  
真如中有菩薩摩訶薩非菩薩摩訶薩中有  
地界真如非菩薩摩訶薩中有水火風空識  
界真如非離地界真如有菩薩摩訶薩非離  
水火風空識界真如<sup>地六</sup>有菩薩摩訶薩耶具壽  
善現白言世尊若地界若水火風空識界尚  
畢竟不可得性非有故況有地界真如及水  
火風空識界真如此真如既非有如何可言  
即地界真如是菩薩摩訶薩即水火風空識



訶薩異緣所生法真如非菩薩摩訶薩非緣  
所生法真如中有菩薩摩訶薩非菩薩摩訶  
薩中有緣所生法真如非離緣所生法真如  
有菩薩摩訶薩耶具壽善現白言世尊若緣  
所生法尚畢竟不可得性非有故況有緣所  
生法真如此真如既非有如何可言即緣所  
生法真如是菩薩摩訶薩異緣所生法真如  
是菩薩摩訶薩非緣所生法真如中有菩薩  
摩訶薩菩薩摩訶薩中有緣所生法真如離  
緣所生法真如有菩薩摩訶薩復次善現汝  
觀何義言即無明真如非菩薩摩訶薩即行  
識名色六處觸受愛取有生老死真如非菩  
薩摩訶薩異無明真如非菩薩摩訶薩異行  
乃至老死真如非菩薩摩訶薩非無明真如  
中有菩薩摩訶薩非行乃至老死真如中有

菩薩摩訶薩非菩薩摩訶薩中有無明真如  
非菩薩摩訶薩中有行乃至老死真如非離  
無明真如有菩薩摩訶薩非離行乃至老死  
真如有菩薩摩訶薩耶具壽善現白言世尊  
若無明若行乃至老死尚畢竟不可得性非  
有故況有無明真如及行乃至老死真如此  
真如既非有如何可言即無明真如是菩薩  
摩訶薩即行乃至老死真如是菩薩摩訶薩  
異無明真如是菩薩摩訶薩異行乃至老死  
真如是菩薩摩訶薩無明真如中有菩薩摩  
訶薩行乃至老死真如中有菩薩摩訶薩菩  
薩摩訶薩中有無明真如菩薩摩訶薩中有  
行乃至老死真如離無明真如有菩薩摩訶  
薩離行乃至老死真如有菩薩摩訶薩復次  
善現汝觀何義言即布施波羅蜜多真如非

菩薩摩訶薩即淨戒安忍精進靜慮般若波  
羅蜜多真如非菩薩摩訶薩異布施波羅蜜  
多真如非菩薩摩訶薩異淨戒安忍精進靜  
慮般若波羅蜜多真如非菩薩摩訶薩非布  
施波羅蜜多真如中有菩薩摩訶薩非淨戒  
安忍精進靜慮般若波羅蜜多真如中有菩  
薩摩訶薩非菩薩摩訶薩中有布施波羅蜜  
多真如非菩薩摩訶薩中有淨戒安忍精進  
靜慮般若波羅蜜多真如非離布施波羅蜜  
多真如有菩薩摩訶薩非離淨戒安忍精進  
靜慮般若波羅蜜多真如有菩薩摩訶薩耶  
具壽善現白言世尊若布施波羅蜜多若淨  
戒安忍精進靜慮般若波羅蜜多尚畢竟不  
可得性非有故況有布施波羅蜜多真如及  
淨戒安忍精進靜慮般若波羅蜜多真如此

真如既非有如何可言即布施波羅蜜多真  
如是菩薩摩訶薩即淨戒安忍精進靜慮般  
若波羅蜜多真如是菩薩摩訶薩異布施波  
羅蜜多真如是菩薩摩訶薩異淨戒安忍精  
進靜慮般若波羅蜜多真如是菩薩摩訶薩  
布施波羅蜜多真如中有菩薩摩訶薩淨戒  
安忍精進靜慮般若波羅蜜多真如中有菩  
薩摩訶薩菩薩摩訶薩中有布施波羅蜜多  
真如菩薩摩訶薩中有淨戒安忍精進靜慮  
般若波羅蜜多真如離布施波羅蜜多真如  
有菩薩摩訶薩離淨戒安忍精進靜慮般若  
波羅蜜多真如有菩薩摩訶薩復次善現汝  
觀何義言即內空真如非菩薩摩訶薩即外  
空內外空空大空勝義空有為空無為空  
畢竟空無際空散空無變異空本性空自相

空共相空一切法空不可得空無性空自性  
 空無性自性空真如非菩薩摩訶薩異內空  
 真如非菩薩摩訶薩異外空乃至無性自性  
 空真如非菩薩摩訶薩非內空真如中有菩  
 薩摩訶薩非外空乃至無性自性空真如中  
 有菩薩摩訶薩非菩薩摩訶薩中有內空真  
 如非菩薩摩訶薩中有外空乃至無性自性  
 空真如非離內空真如有菩薩摩訶薩非離  
 外空乃至無性自性空真如有菩薩摩訶薩  
 耶具壽善現自言世尊若內空若外空乃至  
 無性自性空尚畢竟不可得性非有故況有  
 內空真如及外空乃至無性自性空真如此  
 真如既非有如何可言即內空真如是菩薩  
 摩訶薩即外空乃至無性自性空真如是菩  
 薩摩訶薩異內空真如是菩薩摩訶薩異外

地六

十四

空乃至無性自性空真如是菩薩摩訶薩內  
 空真如中有菩薩摩訶薩外空乃至無性自  
 性空真如中有菩薩摩訶薩菩薩摩訶薩中  
 有內空真如菩薩摩訶薩中有外空乃至無  
 性自性空真如離內空真如有菩薩摩訶薩  
 離外空乃至無性自性空真如有菩薩摩訶  
 薩復次善現汝觀何義言即四念住真如非  
 菩薩摩訶薩即四正斷四神足五根五力七  
 等覺支八聖道支真如非菩薩摩訶薩異四  
 念住真如非菩薩摩訶薩異四正斷乃至八  
 聖道支真如非菩薩摩訶薩非四念住真如  
 中有菩薩摩訶薩非四正斷乃至八聖道支  
 真如中有菩薩摩訶薩非菩薩摩訶薩中有  
 四念住真如非菩薩摩訶薩中有四正斷乃  
 至八聖道支真如非離四念住真如有菩薩

地六

十五

摩訶薩非離四正斷乃至八聖道支真如有  
菩薩摩訶薩耶具壽善現白言世尊若四念  
住若四正斷乃至八聖道支尚畢竟不可得  
性非有故況有四念住真如及四正斷乃至  
八聖道支真如此真如既非有如何可言即  
四念住真如是菩薩摩訶薩即四正斷乃至  
八聖道支真如是菩薩摩訶薩異四念住真  
如是菩薩摩訶薩異四正斷乃至八聖道支  
真如是菩薩摩訶薩四念住真如中有菩薩  
摩訶薩四正斷乃至八聖道支真如中有菩  
薩摩訶薩菩薩摩訶薩中有四念住真如菩  
薩摩訶薩中有四正斷乃至八聖道支真如  
離四念住真如有菩薩摩訶薩離四正斷乃  
至八聖道支真如有菩薩摩訶薩復次善現  
汝觀何義言即苦聖諦真如非菩薩摩訶薩

即集滅道聖諦真如非菩薩摩訶薩異苦聖  
諦真如非菩薩摩訶薩異集滅道聖諦真如  
非菩薩摩訶薩非苦聖諦真如中有菩薩摩  
訶薩非集滅道聖諦真如中有菩薩摩訶薩  
非菩薩摩訶薩中有苦聖諦真如非菩薩摩  
訶薩中有集滅道聖諦真如非離苦聖諦真  
如有菩薩摩訶薩非離集滅道聖諦真如有  
菩薩摩訶薩耶具壽善現白言世尊若苦聖  
諦若集滅道聖諦尚畢竟不可得性非有故  
況有苦聖諦真如及集滅道聖諦真如此真  
如既非有如何可言即苦聖諦真如是菩薩  
摩訶薩即集滅道聖諦真如是菩薩摩訶薩  
異苦聖諦真如是菩薩摩訶薩異集滅道聖  
諦真如是菩薩摩訶薩苦聖諦真如中有菩  
薩摩訶薩集滅道聖諦真如中有菩薩摩訶

薩菩薩摩訶薩中有苦聖諦真如菩薩摩訶  
薩中有集滅道聖諦真如離苦聖諦真如有  
菩薩摩訶薩離集滅道聖諦真如有菩薩摩  
訶薩復次善現汝觀何義言即四靜慮真如  
非菩薩摩訶薩即四無量四無色定真如非  
菩薩摩訶薩異四靜慮真如非菩薩摩訶薩  
異四無量四無色定真如非菩薩摩訶薩非  
四靜慮真如中有菩薩摩訶薩非四無量四  
無色定真如中有菩薩摩訶薩非菩薩摩訶  
薩中有四靜慮真如非菩薩摩訶薩中有四  
無量四無色定真如非離四靜慮真如有菩  
薩摩訶薩非離四無量四無色定真如有菩  
薩摩訶薩耶具壽善現白言世尊若四靜慮  
若四無量四無色定尚畢竟不可得性非有  
故況有四靜慮真如及四無量四無色定真

如此真如既非有如何可言即四靜慮真如  
是菩薩摩訶薩即四無量四無色定真如是  
菩薩摩訶薩異四靜慮真如是菩薩摩訶薩  
異四無量四無色定真如是菩薩摩訶薩四  
靜慮真如中有菩薩摩訶薩四無量四無色  
定真如中有菩薩摩訶薩菩薩摩訶薩中有  
四靜慮真如菩薩摩訶薩中有四無量四無  
色定真如離四靜慮真如有菩薩摩訶薩離  
四無量四無色定真如有菩薩摩訶薩復次  
善現汝觀何義言即八解脫真如非菩薩摩  
訶薩即八勝處九次第定十徧處真如非菩  
薩摩訶薩異八解脫真如非菩薩摩訶薩異  
八勝處九次第定十徧處真如非菩薩摩訶  
薩非八解脫真如中有菩薩摩訶薩非八勝  
處九次第定十徧處真如中有菩薩摩訶薩

非菩薩摩訶薩中有八解脫真如非菩薩摩訶薩中有八勝處九次第定十徧處真如非離八解脫真如有菩薩摩訶薩非離八勝處九次第定十徧處真如有菩薩摩訶薩耶具壽善現白言世尊若八解脫若八勝處九次第定十徧處尚畢竟不可得性非有故況有八解脫真如及八勝處九次第定十徧處真如此真如既非有如何可言即八解脫真如是菩薩摩訶薩即八勝處九次第定十徧處真如是菩薩摩訶薩異八解脫真如是菩薩摩訶薩異八勝處九次第定十徧處真如是菩薩摩訶薩八解脫真如中有菩薩摩訶薩八勝處九次第定十徧處真如中有菩薩摩訶薩菩薩摩訶薩中有八解脫真如菩薩摩訶薩中有八勝處九次第定十徧處真如離

八解脫真如有菩薩摩訶薩離八勝處九次第定十徧處真如有菩薩摩訶薩復次善現汝觀何義言即空解脫門真如非菩薩摩訶薩即無相無願解脫門真如非菩薩摩訶薩異空解脫門真如非菩薩摩訶薩異無相無願解脫門真如非菩薩摩訶薩非空解脫門真如中有菩薩摩訶薩非無相無願解脫門真如中有菩薩摩訶薩非菩薩摩訶薩中有空解脫門真如非菩薩摩訶薩中有無相無願解脫門真如非離空解脫門真如有菩薩摩訶薩非離無相無願解脫門真如有菩薩摩訶薩耶具壽善現白言世尊若空解脫門若無相無願解脫門尚畢竟不可得性非有故況有空解脫門真如及無相無願解脫門真如此真如既非有如何可言即空解脫門

眞如是菩薩摩訶薩即無相無願解脫門眞  
如是菩薩摩訶薩異空解脫門眞如是菩薩  
摩訶薩異無相無願解脫門眞如是菩薩摩  
訶薩空解脫門眞如中有菩薩摩訶薩無相  
無願解脫門眞如中有菩薩摩訶薩菩薩摩  
訶薩中有空解脫門眞如菩薩摩訶薩中有  
無相無願解脫門眞如離空解脫門眞如有  
菩薩摩訶薩離無相無願解脫門眞如有菩  
薩摩訶薩復次善現汝觀何義言即陀羅尼  
門眞如非菩薩摩訶薩即三摩地門眞如非  
菩薩摩訶薩異陀羅尼門眞如非菩薩摩訶  
薩異三摩地門眞如非菩薩摩訶薩非陀羅  
尼門眞如中有菩薩摩訶薩非三摩地門眞  
如中有菩薩摩訶薩非菩薩摩訶薩中有陀  
羅尼門眞如非菩薩摩訶薩中有三摩地門

眞如非離陀羅尼門眞如有菩薩摩訶薩非  
離三摩地門眞如有菩薩摩訶薩耶具壽善  
現白言世尊若陀羅尼門若三摩地門尚畢  
竟不可得性非有故況有陀羅尼門眞如及  
三摩地門眞如此眞如既非有如何可言即  
陀羅尼門眞如是菩薩摩訶薩即三摩地門  
眞如是菩薩摩訶薩異陀羅尼門眞如是菩  
薩摩訶薩異三摩地門眞如是菩薩摩訶薩  
陀羅尼門眞如中有菩薩摩訶薩三摩地門  
眞如中有菩薩摩訶薩菩薩摩訶薩中有陀  
羅尼門眞如菩薩摩訶薩中有三摩地門眞  
如離陀羅尼門眞如有菩薩摩訶薩離三摩  
地門眞如有菩薩摩訶薩

大般若波羅蜜多經卷第十六